

10. Oktober 2018

Uunga siunnersuut: Meeqqanut tapiissutit pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2018-imeersoq

Naalakkersuisut saqqummiussaannut qujariarluta allannguutissatut Naalakkersuisut siunnersuutaat Meeqqanut tapiissutit pillugit Inatsisartut inatsisaanni nr. 9, 7. december 2009-imeersumit Siumut imak oqaaseqassaaq.

Siumup anguniarpaa meeqqat, inuusuttullu toqqissisimasut, peqqissut, tarnikkut timikkullu nukittuut kinaassutsiminnillu ilisarismannittut pilersinnissaat.

Nikeriarneq ataaseq allatigut sunniuteqartuaannarpoq. Nunarsuarmioqataanitsinni avatangiisitsinni pisunut malinnaanitsinni nunarput atugassarititaasullu aamma allanngoriartortarut ilisimavarput, iliuuseqarnissamullu piumassuseqarluta suleqataajuartuarumavugut. Allannguutissatut siunnersuut naleqqussaaneertut pitsaasutut isigaarput. Aamma pingaaruteqartuaannarpoq meeqqat siunissaattut taakkartortuakkagut pillugit sapinngisamik pitsaasumik politikikkut sinaakkuser-suiuarnissarput. Taamaattumik pingaaruteqarlunnartuuvoq maani inersuarmi taakku pillugit ataatsimoorfeqartuassagatta. Ataatsimoorlunigooq kivitseqatigiinneq oqinnerulersitsisarpoq.

Meeqqanut tapiissutit pillugit naleqqussaaneq pissusissamisoortuuvoq. Ilisimavarput nunarput isorartooq ataatsimut isigalugu pissutsit atugassarititaasullu assigiittuaannanngimmata. Taamaattorli meeqqanut tunngatillugu atugassarititaasut inatsisitigut assigiissarneqarnissaat pingaaruteqarlunnartuuvoq.

Allannguutissatut siunnersuut meeralinnut qanoq sunniuteqarnissaa aammalu akissarsiatigut assigiinngissuseq pillugu qanoq allannguuteqartitsinissaa nalilersussallugu misissussallugulu soqutiginarlunnartuuvoq. Taamaattumik immikkoortup aappassaaneerneqannginnermini ataatsimiititaliamut susassaqartumut suliassanngortinnissaa Siumumiit innersuussutigaarput.

Qujanaq.

Laura Táunâjik, Siumut